



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Historia Provinciæ Paraquariæ Societatis Jesv**

**Techo, Nicolas**

**Leodii, MDCLXXIII.**

Cap. 32. Reliqui Sociorum per Tucumaniam labores.

**urn:nbn:de:hbz:466:1-38528**

CAPUT  
XXXII.  
Reliqui  
Sociorum  
per Tucu-  
maniam  
labore.

1606.

Hispanorum  
liberalitas.

Protervi ju-  
venis casti-  
gatio.

Joannis An-  
guli cōmen-  
datio.

De Ferdi-  
nando Mon-  
roio.

**A**T superstites per Tucumaniam Socii, more suo, flamas dissipabant. Darius Cordubenses, Romerus Rupices Barbaros, Gaspar Monroius alios, Ferdinandus Monroius & Joannes Viana, Lullaná, Kakaná & Quichoá linguá usi, Omaguacas, Lulos, Saltenses aut Christo initiantur, aut refecrabant, tantâ rerum omnium inopiâ, ut benè secum agi existimarent, cùm rete pensile pro cubili, vile gossipium pro veste, & triticum Turcicum purâ aquâ coctum pro cibatu sup- peteret. Quamquam non tacenda Hispanorum quorundam pietas, commeatum Patribus longè ab urbibus in mediâ barbaric versantibus, ne inopiâ perirent, identidem submittentium. Nec Hispani negligebantur, quos dum in Sancti Michaëlis urbe Joannes Viana & Ferdinandus Monroius, antecineralibus diebus procurarent, Juvenis, Patrum pietate, cives in templo ad avertendam profanorum dierum proterviam detinentium, spretâ, dum in phalerato equo ante templi fores magno strepitu lasciviret, repentina casu attritus, diuturno vulnere concives docuit, quam facile sit Superis insolentium hominum fastum protere. His in rebus dum sunt, Ferdinandus Monroius & Joannes Angulus in Peruviam revocantur. Hic Tucumanicæ missioni primus præfuerat, & Commissarium sancti Officii cum laude diu egerat. Ille breve expeditionis tempus magnitudine laborum compensaverat: uterque magnâ famâ postmodùm in Peruvia deceperat. De Ferdinandio Monroio, Lucilli in agro Toletano nato, narrant, cum, cùm de genibus coronam Marianam necteret, ab fulmine circumdatum, invocatâ Virginis Matris ope, incolumitatem fuisse consequutum. Atque hæc sunt selecta Sociorum facta (nam quis omnia narret?) per amplissimas regiones viginti & uno annis felici serie ante fundationem Provinciæ continuata: quæ si quis primis quasi velitationibus le- vioribusque pugnis, donec plenâ acie contra Dæmonem dimicatum est, compa- rare velit, non admodum inficiabor. Quamquam primordia illa non ineptè con- ferri posse existimem cum naturâ embrionem prius effundente, paulatimque for- mante, quam corpus perfectum in lucem emittat.



HISTO-